

# OKVIRNI SPORAZUM

## I SPORAZUMNE STRANE

### **KJP ZOI'84 OCS d.o.o. Sarajevo**

Sjedište: Alipašina bb, 71000 Sarajevo

Koje zastupa direktor mr. sci Nevres Alispahić

Identifikacijski broj: 4200347000004

(u daljem tekstu: Naručilac)

i

### **Strucon d.o.o. Sarajevo**

Sjedište: Avde Jabučice br.48,71000 Sarajevo,Bosna i Hercegovina

Koga zastupa direktor Erol Sarvan

Identifikacijski broj: 4201938750009

Transakcijski broj banke, ime i sjedište banke: 1990490058879241, Sparkasse Bank d.d.BiH

(u daljem tekstu: Izvršilac)

## II PREDMET SPORAZUMA

### **Član 1.**

Predmet ovog Sporazuma je pružanje usluga servisiranja i održavanja četverosjedne i šestosjedne žičare prema tenderskoj dokumentaciji Naručioca, broj: 1391/19 od 21.05.2019. godine i ponudi Izvršioca broj: 32-06/2019 od 10.06.2019. godine, koji su u prilogu ovog Sporazuma i čine njegov sastavni dio.

### **Član 2.**

Izvršilac se obavezuje da će u ugovorenom periodu pružati usluge servisiranja i održavanja četverosjedne žičare 41219 SBF4 i šestosjedne žičare 41220 SBK6 na Bjelašnici.

### **Član 3.**

Izvršilac se također obavezuje na sljedeće:

- a) vrijeme dolaska izvršioca usluga na mjesto održavanja će biti maksimalno 12 sati od vremena prijavljivanja kvara od strane Naručioca na telefonski broj Izvršioca;
- b) otklanjanje kvara će biti izvršeno u roku od 24 sata od prijave kvara, a u slučaju da se potrebni rezervni dijelovi ne nalaze na lageru, vrijeme potrebno za otklanjanje kvara će biti do 5 radnih dana.
- c) ukoliko je servis duži od 5 radnih dana, Izvršilac će dostaviti zamjenski uređaj sličnih ili istih karakteristika u odnosu na servisirani;
- d) za svaku intervenciju pismeno obavijestiti Naručioca o cijeni rezervnog dijela (koji moraju odgovarati standardima proizvođača opreme koji je predmet rada) i količini potrebnih sati za uslugu servisiranja;
- e) za sve dijelove, kao i izvršene usluge, za uređaje obuhvaćene predmetom održavanja, izvršilac će dati garanciju minimalno za period od 12 mjeseci od dana ugradnje tog dijela i izvršene usluge.

- f) ukoliko je Izvršilac pogrešno izvršio uslugu dužan je grešku odmah i bez naknade otkloniti;
- g) otvoriti radni nalog za svaku uslugu koji će da sadrži: opis servisne usluge, podatke o opremi, količinu ugrađenih dijelova, pojedinačne cijene dijelova i ukupnu cijenu za izvršeni servis vrijeme i datum početka i završetka usluge servisa. Ovaj radni nalog će biti sastavni dio svakog računa. Radni nalog mora biti potpisan punim imenom i prezimenom od strane predstavnika Naručioca,
- h) voditi posebnu evidenciju u knjizi grešaka, u takvom obimu, da je moguće imati cjelovit pregled nad radom opreme koja je predmet održavanja. U knjigu, koja se nalazi kod Naručioca upisuju se sve intervencije, na opremi, kao i utrošeni materijal,
- i) pridržavati se cijene usluge i dijelova ponuđenih po ponudi, kao i normativa za zamjenu dijelova propisanih od strane proizvođača opreme,
- j) za ugrađene dijelova dati garanciju u skladu sa propisima proizvođača, a na izvršene usluge 12 mjeseca od dana izvršenja iste,
- k) prilikom ugradnje koristiti nove i nekoristene dijelove kompatibilne sa opremom u koje se ugrađuju, koji obezbjeđuju sigurno i optimalno korištenje opreme i koji su preporučeni od strane proizvođača opreme,
- l) vršiti ovjeravanje izvršenih servisa kao i upis slijedećeg termina za servis u servisnim knjižicama,
- m) opremu ugovornog organa uzimati u rad kao prioritarna,
- n) rezervne dijelove fakturisati po cijenama datim na elektronskom mediju (CD) uz ponudu, u slučaju promjene cijene rezervnoga dijela u odnosu na dostavljenu cijenu na CD-u, ponuđač je dužan dostaviti potvrdu proizvođača o promjeni cijene. U suprotnom, ugovorni organ nije dužan platiti uvećanu cijenu, već cijenu koja je dostavljena na CD-u,
- o) nakon izvršenih usluga je u obavezi dostaviti Test protokole potpisane od strane certificiranog serviseru za predmetne žičare,
- p) izvršilac je dužan ispostaviti izvještaj o izvršenom redovnom održavanju) uz prijedlog o potrebi reaktivnog održavanja.

#### **Član 4.**

Za koordinaciju operativnih aktivnosti na realizaciji ovog sporazuma, na način i u ugovorenim rokovima, imenuju se:

- za Naručioca: Adis Mušinović;
- za Izvršioca: Erol Sarvan.

### **III CIJENA I NAČIN PLAĆANJA**

#### **Član 5.**

(1) Okvirni sporazum se zaključuje sa procijenjenom vrijednosti, u iznosu do 200.000,00 KM (slovima: dvijestotinehiljade i 00/100 konvertibilnih maraka) bez uključenog PDV-a, odnosno 234.000,00 KM (slovima: dvijestotinetridesetčetirihiljade i 00/100 konvertibilnih maraka) sa uključenim PDV-om.

(2) Usluge iz člana 1. ovog sporazuma će se plaćati prema utvrđenim pojedinačnim cijenama iz ponude Izvršioca broj: 32-06/2019 od 10.06.2019. godine, koje se neće mijenjati tokom sporazumnog perioda.

(3) U cijenu su uračunati svi troškovi Izvršioca usluge u realizaciji ovog sporazuma, uključujući i trokove prevoza izlaska na teren.

## **Član 6.**

(1) Naručilac će plaćanje ugovorene usluge izvršiti najkasnije 30 dana od dana izvršenja usluge i ispostavljanja računa za svaku pojedinačnu izvršenu uslugu servisiranja, a na osnovu dokumenta kojim je potvrđeno izvršenje predmetne usluge.

(2) Izvršilac ispostavlja račun po izvršenju usluge, sa navođenjem vrste pruženih usluga i zamjenjenim rezervnim dijelom i dostavlja ga na plaćanje, sa priloženim radnim nalogom, potpisanim od strane predstavnika Naručioca koji je izvršio prijem, čime potvrđuje da je usluga izvršena. Servisiranje žičare treba da se obavi stručno, kvalitetno, u skladu sa dobrim poslovnim običajima, pravilima i standardima struke. Naručilac prijavu kvara vrši pismenim putem, a u hitnim slučajevima telefonom, što obavezuje Izvršioca da izađe na teren u najkraćem vremenskom roku.

(3) Mjesto izvršenja ugovorenih usluga je Bjelašnica.

(4) Ukoliko usluge nisu izvršene na ugovoren način, odnosno imaju vidljive mane, predstavnik Naručioca dužan je da odbije prijem usluga i odmah u pisanoj formi obavjesti Izvršioca, a u hitnim slučajevima usmeno i zahtjeva ponovno izvršenje usluga. Ako se nakom primopredaje pokaže neki nedostatak koji nije vidljiv. Naručilac je dužan da o tom nedostatku bez odlaganja obavjesti Izvršioca i može zahtijevati ponovno izvršenje usluga, najkasnije narednog dana od dana prijema reklamacije.

(5) Ukoliko Izvršilac ne bude na ugovoreni način i u ugovorenom roku izvršio sve ugovorene obaveze, dužan je Naručiocu platiti na ime ugovorene kazne penale od 1 ‰ (jedan promil) od ugovorene cijene usluga, za svaki dan prekoračenja roka izvršenja usluge, a najviše 5 % od ugovorenog iznosa. Obaveza plaćanja ugovorene kazne utvrđuje se prilikom konačnog obračuna.

(6) Naručilac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati niti ih predvidjeti

(7) Plaćanje ugovorene kazne (penala) ne oslobađa Izvršioca od njegovih obaveza da pruži usluge, niti ga oslobađa od nekih drugih obaveza i odgovornosti po ovom ugovoru.

## **IV GARANCIJA ZA UREDNO IZVRŠENJE UGOVORA**

### **Član 7.**

(1) Izvršilac se obavezuje Naručiocu u roku od 10 (deset) radnih dana od dana stupanja ovog ugovora na snagu dostaviti bankarsku garanciju na iznos od 10% ugovorene vrijednosti sa PDV-om, kao garanciju za uredno izvršenje ugovora, sa rokom važnosti 12 mjeseci plus 30 dana.

(2) Garantne dokumente nasloviti i dostaviti na adresu: "KJP ZOI'84 OCS d.o.o. Sarajevo, ul Alipašina bb, 71000 Sarajevo. Bankovna garancija za uredno izvršenje ugovora će poslužiti za pokrivanje svake štete i troškova koje Naručilac može imati ukoliko Izvršilac prekrši bilo koju odredbu ugovora o nabavci predmetnih usluga nakon što se isti prethodno obavijesti o eventualnim propustima i pozove da otkloni takve propuste.

(3) Ukoliko ne nastupi ni jedan od slučajeva koji bi zahtijevao realizaciju garancije za uredno izvršenje ugovora, ugovorni organ vrši povrat garancije za uredno izvršenje ugovora u roku od 30 dana od isteka roka njenog važenja.

(4) Izvršilac snosi odgovornost za sve, materijalne i nematerijalne, štete nastale Naručiocu i trećim osobama krivicom Izvršioca kao i sve štete nastale od opasne stvari i opasne djelatnosti, tijekom izvršenja predmeta ovog sporazuma.

(5) Bankarska garancija mora biti neopoziva, bezuvjetna, plativa na prvi poziv, bez prava na prigovor i primjedbe.

## **V STUPANJE NA SNAGU I RJEŠAVANJE SPOROVA**

### **Član 8.**

(1) Ovaj okvirni sporazum stupa na snagu danom obostranog potpisivanja od strane ovlaštenih lica sporazumnih strana, a primjenjuje se 12 mjeseci od dana stupanja ovog Sporazuma na snagu.

(2) Utroškom sredstava iz člana 5. ovog Sporazuma, ovaj Sporazum prestaje da važi, o čemu Naručilac obavještava Izvršioca.

### **Član 9.**

U ugovornom periodu, sporazumne strane imaju pravo da za predmet Sporazuma opisan u članu 1. ovog okvirnog Sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama Bosne i Hercegovine, u pogledu svakog od ugovora koji su zaključeni po osnovu ovog okvirnog Sporazuma.

### **Član 10.**

Svaka ugovorna strana može pokrenuti postupak raskida sporazuma ako druga strana ne izvršava preuzete utvrđene obaveze, uz otkazni rok od 15 dana.

### **Član 11.**

Eventualno nastale sporove pri realizaciji ovog Sporazuma, sporazumne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

## **VI OSTALE ODREDBE**

### **Član 12.**

Izvršilac nema pravo u svrhu izvršenja ovog Sporazuma da zapošljava, fizičke ili pravne osobe koje su bile uključene u pripremu TD ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

### **Član 13.**

Za sve što nije regulisano ovim Sporazumom primjenjivat će se odredbe pozitivnih propisa kojima se reguliraju Zakon o obligacioni odnosi u Bosni i Hercegovini.

**Član 14.**

Punovažne i obavezujuće su samo one izmjene i dopune ovog Sporazuma koje su sporazumne strane sačinile sporazumno i u pisanoj formi.

**Član 15.**

Ovaj Sporazum je sačinjen u 4 (četiri) istovjetna primjerka od kojih svaka sporazumna strana zadržava po 2 (dva) primjerka.

**Za Izvršioca**

**Za Naručioca**

---

Erol Sarvan, dip. inž. građ.,  
direktor

---

mr. sci Nevres Alispahić, direktor

Datum: \_\_\_\_\_ 2019. godine  
Broj:

Datum: 21.06.2019. godine  
Broj: 1788/19